



Chhuah ḥan kum
- 1970 -

KRISTIAN THALAI

Kristian Thalai Pawl
Chanchinbu
Thla tin chhuak



VOLUME XVI

NO. 1

APRIL

2025

ARTICLE

KHAWVEL DAMNA KRAWNS

- Laldinpuia Hauhnar

PATHIAN HNAIH

- J.Lalhruaisanga

QUARANTINE KA NI EM?

- Z.Lalremkima

Thalaite Suangtuahna
ISUA KE BULAH I AWM EM

- C.REMSANGZUALI

SERMON

LAL ISUA THAWLEHNAIN A NGHAWNG LEH THAWLEHNA AVANGA KAN CHANTE

- Rev. Lalfakzuala

ZIR BINGNA

KHAWL THLUAK NEI
-John Chhana



**KTP ROREL INKHAWM VAWI 11-NA
CHAWNPUI KOHHRAN BIAK IN (Feb 28 - Mar 2, 2025)**



CENTRAL KRISTIAN THALAI PAWL COMMITTEE



MIZORAM SYNOD CHOIR



CKTP COMMITTEE & PRESBYTERIAN CHOIR, LUNGLEI



**Kumpuan Reels Iawmman 1-na
Dawngtu Lungdai Br. KTP**



KRISTIAN THALAI PAWL CHANCHINBU THLA TIN CHHUAK

Chhuah ḥan kum : 1970 | Kum 55-na | Kuminah vawi 4-na | Chhuah tawh zat : 557

Editor : PC Lalthanmawia

Joint Editors :

H. Zosangliana

TC. Lalruaitluanga

Lalruatpuia

Lalduhawma Chhangte

Lalremsiama Khiangte

Vanlalremliana

Manager : Agnes Lalrinzuali

A lak man :

Kum khatah : ₹ 100.00

Copy khat : ₹ 8.33

Thu chhuah tür nei chuan Editor, Kristian Thalai hnена thawn tür a ni a; la thar duh chuan KTP Office-ah hriattirin a man pēk lāwk tur a ni.

Editor Mobile : 8014697370

Manager Mobile : 8787480280

E-Mail : kristianthalai1970@gmail.com
centralktp@gmail.com

KRISTIAN THALAI PAWL



Thupui

Rawngbawl tūra chhandam

Thupui innghahna

Ephesi 2:10 : Thil ṫha ti atān Krista Isuaah chuan siama awmin, ama kutchhuak kan ni si a, chu thil ṫha tih chu kan awmna tūrin Pathianin a buatsaih lāwk a ni.

Thil tumte

1. Isua Krista rinna leh amah anna kawnga ṫhalaite hruai.
2. Kohhran kut ke ni tura ṫhalaite buatsaih.
3. Kohhran hnathawh tihpuitlin.
4. Krista Chanchin ṫha puan darh.

A CHHUNGA THU AWMTE

1.	Editorial	2
2.	Sermon: Lal Isua thawhlehnain a nghawng leh thawhlehnna avanga kan chante – Rev. <i>Lalfakzuala</i>	3
3.	Article – Khawvel damna Kraws – <i>Laldinpuia Hauhnar</i>	8
4.	Zir bingna: Khawl thluak nei – <i>John Chhana</i>	10
5.	Thalaite suangtuahna: Isua ke bulah i awm em? – <i>C. Remsangzuali</i>	14
6.	Article: Pathian hniah – <i>J. Lalhruaisanga</i>	17
7.	Article: Quarantine ka ni em? – <i>Z. Lalremkima</i>	20
8.	Lamtluang: YRC, Convention Centre	23
9.	Thalai huang: Expository Sermon	26
10.	Hruaitute chanchin: (1) Upa Lalzarmawia, General Secretary	27
	(2) Pu Nicholas Lalbiakzuala, C/M	28
11.	Hringlang Tlāng	29
12.	Kantu: Rahsi Veng Branch	30
13.	Keimahni	31

COVER DESIGN

KEVIN LALHRIATPUIA, ITI VENGCHHAK BRANCH

BEISEINA NUNG

Mi thiamte chuan mihring hi chaw lovin ni 40, tui tel lovin ni 3, boruak tel lovin min. 8 a awm thei a, mahse Beiseina tel lovin minit 1(khat) pawh a dam zo lo an ti. Beiseina nei lo mihring chu nung reng mah se mitthi ang a ni.

Thalaite zingah Depression, Anxiety Disorder avanga beidawng, mal ngawih ngawiha inhriatna, sual avanga thlaphang em em, Addiction avanga sualin nasa taka a tihbui mek, Pathian laka beidawng ngawih ngawi kan awm em? Sam 139:1-24-ah khan Pathianin min hriat chianzia kan hmu a, nu pum chhunga kan awm hma daihin min lo chhinchhiah tawh a ni. Hetiang khawpa hriat chianna hi hmangaihna tawpkhawk atanga lo chhuak a ni a, chu chuan thlamuanna leh beiseina min pe rawh se.

Ringtu tam takte min tibeidawng thintu chu tuarna kan hriat thiam thin loh avang a ni. Pathian thu lo leh rem tihna lovin tuarna a awm thei lo. Kan tuarna karah hian Pathian hian remruatna fel tak a nei tih kan rin ngam a ngai. Kan natna leh tuarnate min lak kiansak ngawr ngawr hi a tum a ni lo va, a ropuizia hre tur leh hmu turin min lo duh zawk thin a ni. KA tlantu chu a nung tih ka hria a tih tlat avangin Joba chuan Tuarna nasa tak kara Beiseina nung a nei thei a ni.

Dam chhung khawsak ngaihtuah avanga buaina te, sual avanga hlauhna leh beidawnna te, hma lam hun thim chhah mup nia kan hriat lai te, nun ning taka hun kan hman lai te hian, ka tlantu chu a nung tih ka hria, ka hma lam hun chu a kutah a awm a ni tih hriatna hian beiseina min pe fo rawh se.

Lalduhawma Chhangte
Jt. Editor

LAL ISUA THAWLEHNAIN A NGHAWNG LEH THAWLEHNA AVANGA KAN CHANTE



Rev. Lalfakzuala

(Chhiar tur: Mt 28:1-20; I Kor 15:12-34; Tirhkothe 2:24-25)

Khawvel mi thiamte leh sakhaw dang biate pawh hian Lal Isua hi he khawvel leilunga lo khawsa ve ngei, sakhaw mi ril leh Kristianna dintu, zawlnei leh zirtirtu ropui tak, dik lo taka thiam loh chantira Krawsa khenbeh tih hi an pawm tlangpui vek a. Amaherawhchu, Isua hi Pathian fapa, thihna hnegin a tho leh tih erawh leilung kalphung (natural laws) kalin an ngai a, an pawm thei lo. Keini ringtute tan erawh chuan kan rinna innghahna lungphum a ni thung lawi si. Tirhkok Paula phei chuan Krista thawlehna chu kan rinna leh thuhril zawng zawng innghahna niin a sawi hial a ni.

A thawleleh tuka thil tleng Chanchin Tha bu li ten min hrilh hi inang diak diak lo mah se thlan ruak thu chiang takin an sawi theuh a. Mathaia, Marka leh Luka chuan Isua thlana lo kalte hnegin vantirhkhovin Lal Isua chu a thawleleh tak thu an lo hrilh bawk a. Thlan ruak khan a thawlehnna chianzia a puang chhuak a, a thawlehnna mit ngeia hmututen thawlehnna thiltihtheihna an chang a; keini mit ngeia hmu ve kher lote pawh rinnain hnegin a sawi tih ang' tih a lo sawi avangin Pilata hnegin a va kal a, thlan chu ni thum ni tlenga tha taka veng turin an ngen chiam a. Pilata chuan an hnegin "Vengtu sipaite in nei alawm; kal ula, in theih ang angin ven thattir ta che u," a lo leh ti then a, vengtu Sipaite chu an va kal a, thlan chu an veng ta a. Isua kha thihna hnegin a thawleleh erawh a lo sawi lawk tawh ang ngeiin a thulh phah chuang lo.

Khawvel hian Lal Isua hi thlan atangin a tho leh lo, tih kawng hrang hrangin an dap:

A zirtirten a ruang hi an ru bo:

Lal Isua thihna hnegin a sawi tih ang' tih a lo sawi avangin Pilata hnegin a va kal a, thlan chu ni thum ni tlenga tha taka veng turin an ngen chiam a. Pilata chuan an hnegin "Vengtu sipaite in nei alawm; kal ula, in theih ang angin ven thattir ta che u," a lo leh ti then a, vengtu Sipaite chu an va kal a, thlan chu an veng ta a. Isua kha thihna hnegin a thawleleh erawh a lo sawi lawk tawh ang ngeiin a thulh phah chuang lo.

Isua ruang chu a zirtirte ruk chhuah angin thu an than tir chiam a, vengtu sipaite ka hup nan pawisa an pe a, “Zanah zirtirte an lo kal a, amah chu an ru ta a ni,” ti zel turin an chah a. Kum zabi pakhatna tawp dawn hnaih lamah pawh he dawt thu huaisar tak hi an la sawi huai huai a ni (Mat. 27: 64; 28: 13). Kum zabi sawm hnihilna vel thleng pawhin mi thiam Hermann Reimarus-a te chuan Isua ruang kha a zirtirte ruk bo nia an ngaih thu an va vawr chhuak cheu nia! A ruang rutua an puh ber zirtirte lah Juda hotute hlaevin an tawmim that ang lawi a; a ruang pawh an hlawm ngam lo a ni si a.

Zirtirte mitvai leh hmuh sual palh (hallucination) thil a ni ang:

Lal Isua thihna hnegin a tho leh tih awi lotute chuan a zirtirten Lal Isua an hmu nia an sawi pawh mitvai thil emaw hmuh sual palh thil emaw lek angah an ngai a. Hetianga ngaih dan vawrh lartu ber chu German mi thiam David Strauss-a a ni a, kum zabi 17 tawp lamah khan a rawn vawrh lar a, a hnu deuhah Ernest Renana'n a rawn thlawp ve leh a. Kum zabi sawmhnhilna chawhnu lamah pawh Thuthlung Thar mi thiam leh German historian Gerd Ludemann-a hian hetiang ngaih dan hi a rawn

vawrh darh leh chiam bawk a. Gerd Ludemann-a sawi dan chuan Peter khan a zirtirtu Lal Isua kha a phatsan tak avangin a inthiam lohna nasa tak a nei a, chumi rilru inthiam lohna chuan Lal Isua nasa takin a ngaihtuah tir a, chutiang chuan mitvai leh inlarna rawngkaiin Lal Isua chu hmu niin an inngai ta niin a sawi.

A thawlehnha hmutu a zirtirte bakah mi eng emaw zat an awm thu Chanchin Tha bu lite hian min hrilh theuh a. Tirhkoh Paula chuan Lal Isua ni thum nia kaihthawha a awm thu te, Kipha (Peter) hnena a inlar thu te, Sawmpahnhihte hnena a inlar thu te, unau zanga aia tam hnena a inlar thu te, chung zinga tam zawk chu an la dam thu te, Jakoba hnena a inlar thu te, tirhkohte hnena a inlar leh thu te, a hun lo piang a hnena pawh a inlar thu te a sawi chiang hle a (Kor 15:4-8). Mi pali panga te chauhin a thawlehnha hmu ni sela, awih a har deuh mai thei a, mit vai thil leh hmuh sual palh ringawt ni dawn ta ang sela an mit a vai rual tlang awm mang e!! Mitvai thil emaw suangtuah vak emaw thil kan hmuh hian nun a siam dang lamin a siam that hriat a ni ngai lo va, Lal Isua mit ngeia hmutute erawh chu an nun a thlak danglam hneh hle zawng a nih kha!

Lal Isua kha Kraws-ah khan a thi dang (Swoon theory):

Kraws-ah khan Lal Isua hi a thi tak tak lo, a thi dang mai chauh a ni. Hetianga ngaihruatna thu hi German mi thiam Karl Friedrich Bahrdt-a khan kum 1780 khan a rawn vawrh chhuak a, Heinrich Paulus-a pawhin kum 1802 vel bawr khan a rawn thar thawh leh a. Mi thiam langsar tak Friedrich Schleiermacher-a chuan he ngaih dan hi a rawn thlawp hle bawk a, chu chuan mi thiam thenkhat zingah he thurin hian pawm a hlawhtir phah zual hle a ni. Hemi ngaihruatna vawrhtute chuan Lal Isua kha Kraws-ah pawh ring taka awrawl a chhuah thei khan a tichiang a. Kraws aṭanga roreltu Josepha, Arimathaia khua miin a lak thlak hnuah hriak rimtui an hnawih a, puau zai sina tuama thlan thara an zalh hnuah zawi zawiin a lo harh chhuak leh ta a. Mari Magdalini pawhin a thawhlehni tuka huanpu emaw tia Isua a hai kha a nih dan tur tak awm reng a ni, tiin an chhuidawn kual bawk a.

Khing kan han sawi bak pawh Isua hi thlan aṭangin a thawhleh thu rinhlelh thu vawrh chhuah hi a awm nual, mi thenkhat phei chuan Kraws put puitu Simona, Kurini khua mi zawk kha an kheng betin Isua chu mipui karah

bibo ta anga sawite pawh zuk awm a!

Khawvel hian kan Lal Isua thihna hneha a thawhlehna hi thup dan chi tinreng hmangin a hun lai aṭanga vawiin thleng hian thup bo an la tum reng a. Thup bo theih rual erawh a ni lo. A thawhlehna thiltihtheihna avanga Kohhran lo ding erawh chu a ropui deuh deuh a, ni chhuahna apiangah, Lal Isuan a ram neih a ṭhulh thei lo chu a nih hi.

Thawhlehna avanga kan chan thenkhatte.

Ringtute hnena thawhlehna hian huaisenna a pe:

A dam laia mi dang hmaa Lal Isua phat ḫin a zirtirte kha Lal Isua an hnena a inlara Thlarau Thianghlim a lo thlen meuh kha chuan huaisenna thuamin an lo awm ta a, huai takin Krista thihna leh thawhlehna thu an puang ta a ni. Mi dawizep leh phatsantu khan Sanhedrin hma-ah pawh zam hauh lovin “ Pathian mit hmuuin Pathian thu zawm aiin nangni thu zawm a dik zawk emaw chu, ngaihtuah rawh u. Keini zawng thil kan hmuh leh hriatte kha sawi lovin kan awm thei lo,” an ti ta phiar phiar a. An lalpa thuchah puangin vau leh tihtaihna karah, thih mai theihna dinhmuna an din lai pawhin huaisen takin rawng an bawl a.

Juda roretute pawhin Petera leh Johana huaizia chu an hmuuin, lehkhathiam lo leh mi mawl mai an ni tih an hriatin mak an ti hle a; Isua hnenah an awm tawh tih an hre ta! (Tirh 5:13). Tirhkoh Paula phei chuan “Lal Isua hming avang chuan Jerusalem khuaa phuar chang ka huam lo va, thih pawh ka huam asin,” (Tirh 21:13) a lo ti. Khawvel chawk buaitute tih hial an lo ni ta.

Sual thiltihtheihna hnehna famkim:

Lal Isua hi thihna hnehin tho leh ta lo se, kan sualah kan la awm reng dawn tihna a ni ang a. Isua chu kan sual avanga mantirin a awm a, thiam kan channa turin kaihthawhin a awm bawk a (Rom 4:25). Lal Isua hian sual thiltihtheihna Kraws-ah a rawn hneh ti mah ila, sual thiltihtheihna hnehna famkim chu a thawlehna vang hian a lo awm kan ti thei ang. Khawvel mite thlir dan chuan Isua kha hnehtu angin Kraws-ah hmuh a ni ngai lo va, amah ngei chu hnehin, khenbehin a awm a nih kha. Isua thawlehna avang chuan sual leh thihnain a chelh hlen rual loh, hnehtu a nihzia a rawn tar lang a ni. Thihna leh thlan thim chu Lal Isua thawlehna chuan a rawn hneh ta. Chu chu hriain Tirhkoh Paula chuan “Aw thihna, i hnehna chu

khawiah nge a awm tak? Aw thihna, i tur chu khawiah nge a awm tak? Thihna tur chu sual a ni a; sual thiltihtheihna chu dan thu chu a ni. Nimahsela, kan Lalpa Isua Krista zara hnehna min petu Pathian hnenah lawmthu awm rawh se” tiin hnehna hla do a chham chhuak a ni (I Kor 15:55-56). Isua thawlehna chu a ringtute tan thiam channa (Rom 4:25), mitthi zing ata Pathianin a kai tho leh thinlunga rin chu chhandam a nih thu min hrilh a (Rom 10:9). Thawlehna thiltihtheihna chuan sual thihsana nun thar nei turin nasa takin mihring nun a thlak danglam thei a ni. Lal Isua thawlehna avanga kan chan hi a ropui mang e.

Lal Isua thawlehna hian kan dam lain beiseina nung min pe:

Isua thawlehna hi a ringtute tan beiseina nung min petu a ni. Kan hma lamah eng thil nge rawn thleng tur kan hre lo a ni thei, amaherawhchu Lal Isua thihna hneha thawlehna avangin beiseina nung nen khawvel kan hmachhawn thei a ni. Joba chuan a chunga tawrhna namen lo a thlen hnuah pawh “Ka tlantu chu a nung tih ka hre si a, nakinah chuan leiah hian a lo la ding ang. Ka vun hi tihchhiata a awm hnuin, ka tisain Pathian ka la hmu ang”(Job 19:25-26) tiin beiseina nung a la nei fan a ni. Amah ngei

kan hnena awm zel intiamka khan beiseina thar leh nung min siamsak thin. Petera chuan chu chu hriain ‘Kan Lalpa Isua Krista Pathian leh Pa chu fakin awm rawh se. Ani chuan a khawngaihna NASA tak ang zelin, mitthi zing ata Isua thawlehna avangin beiseina nung hmu turin min hrung leh a’ (1 Pet.1:3) a lo ti a. Isua thihna hnehin a tho leh tih hriatna hian chatuan hawlhtlang beiseina min siamsak a, chu beiseina chu he khawvela kan dam laia intan tur a ni. Amah ngeiin “Kei kumkhuain, khawvel tawp thleng pawhin, in hnenah ka awm zel ang” (Mat 28:20) a lo ti a. Thawlehna thiltihtheihna avangin kan Lal Isuan tunah, hetah, kumkhuain kan hnena awm zel a intiam tlat e. Chu chu ringtute kan vanneihna tak pawh a ni e.

He khawvel piah lamah pawh beiseina:

He dam chhung chauha Krista chunga beiseina kan neih chuan a tawk lo, Tirhkoh Paula phei chuan dam chhung chauha Krista beiseina neitute chu mi zawng zawnga khawngaihthlak ber kan lo ni ang (I Kor 15:19), a ti hial a. Ringtu zawng zawngte chu Lal Isua angin thihna hnehin ropui takin kan tho leh dawn. Lal Isua chu ringtute thawh

hmahruaitu a ni a, Lal Isua ngeiin “Kei hi thawlehna leh nunna chu ka ni; tu pawh mi ring chu thi mah sela a nung reng ang” (Joh 11:25) a lo ti a. Krista mitthi zinga ata kaihthawha awm hian a ringtute tan thawlehna kawng a hawng a, amah ringtu, muhilte tan thawlehna hmahruaitu a ni (I Kor 15:20). Chumi azarah chuan chatuanna nunna neiin thihna piah lamah chatuan beiseina nghet tak min siamsak a ni.

Lal Isua thawlehna avanga kan chan hi a ropui hle a, thawlehna thiltihtheihna chuan a ringtute nun NASA takin a thlak dang lamsak thin a ni. Amah ngeiin “Mi nunga chu ka ni; ka lo thi a, nimahsela, ngai teh, kumkhuai atan ka nung leh ta a ni. Thihna leh Mitthi Khaw chabite chu ka nei bawk a” (Thupuan 1:18). A thawleh hnuin amah vekin “Lei leh vana thunehna zawng zawng ka hnena pek a ni tawh” tiin a zirtirte hnenah a inlar a (Mat. 28:18). Pathianin thihna hnehin a kai tho a, thihna chelh hlen rual loh a nih vangin, nun thara kan nun theih nan a tho leh ta a ni. Kan hnena awm zel a la intiam zui a. Keini pawh tholeh taksa puin ropui takin amah angin kan tho leh dawn a ni.

Pathianin kan za atan malsawm rawh se. Amen ●

KHAWVEL DAMNA

KRAWS



Laldinpuia Hnauhnar, Melthum Branch

Pathianin lei leh van a siam a, thil dang zawng zawng a siam hnuah mihring chu a thilsiamte enkawl turin a siam a, chi tam tak thlah a, leilung luah khat turin min din a ni. He leilung kan chenna khawvel hi Pathianin kan enkawl tura min pek a ni.

Khawvel Pathian Anchhia: Genesis 3:9-ah chuan, “Tim, leia i kir leh hma loh chuan i hmaia thlan tui far zawih zawihin chaw i ei tawh ang, lei atanga lak chhuah i ni a, leiah vek i kir leh tur a ni” a ti a. Kan thlahtu bul Evi leh Adama bawhchhiatna vanga kan tawrhna hi kan inchhut ngai em le? Thlan tui luang zawih zawiha hna thawha kan ei tur kan ngaihtuah a ngai a, he khawvel hi finna, zir sanna leh intihsiakna hmun a lo ni ta a. Chu khawvel, duh tak maia a siam enkawl tura mihring a siamte bawhchhiatna avang chuan vawiina miteho hi kan thlarau khawnge a awm tak le?

Khawvel History kan en chuan, a tирте atangan mihringte hian he khawvel thuneihna hi kan inchuh nghala, ngaih dan hrang hrang nei Anarchist, Democrats, Communist, Nazis, Capitalist, Liberalistic te chuan an ngaih dan hmangin khawvel awpbeh an

tum a, tun hma chuan Geography hriatna a la tlem deuh vang nge? Roman Empire chuan khawvel nia an hriat theih chin chu an awpbet a. Pax Romana hunlaiin Rom Lalram chuan Mediterenean Khawvel a awpbet vek a, BC 1206 Mongol Empire Gengiz Khan - a hnuiah Khawvel mihring awm zawng zawng hmuun khat zet a awp a. Tuna kan awmna ngei India ram pawh hi Ming Empire hnuiah sumdawnna hmangin an awpbet tawh bawk. Heng zawng zawng hi hmanah khawvel siam a nih hnuah khan mihringte bawhchhiatna avangin sual a lolut a, chu sual chuan mihringte hi inrun leh lalna inchuhin kan awm a, chu chu Pathian anchhia he khawvel hian a dawn vang a ni a, a chhunga chengte zawng zawng hian kan tuar phah ta a ni.

Johana 3:14 leh Numbers 21:9-ah chuan Mihringte leh Khawvela cheng zawng zawnigte

hian an mamawh ber chu tisa leh thlarau damna a ni a ti a. Mihringte hi thiltithei leh chak bera kan inngaih laiin chak lohna hrang hrangin min nuai vel a, kan chakna bera kan inngaih kan taksa ngei pawh hian kan chak lohzia min hriattir ḫin. Tisa a dam loh chuan engthimah kan phur lo ang bawkin kan thlarau pawh hian damna a mamawh ḫin a, thlarau damlo hian damna an mamawh tih inhre lo khawpin thlarau hian damna a lo mamawh reng a ni. Chu thlarau a lo dam chuan he chenna khawvel Pathianin luahkhat tura min pek hi a lo dam mai dawn a, eng nge kan mamawh ni ta ang le?

Kraws: Philipi 2:8-ah chuan, “Tin, mihring anga lo awmin, a inngaitlawm a, thi khawp hiala thu zawmin a lo awm ta a, Kraws thihna ngei chu.” tiin kan hmu a.

Kraws hi misual dam tlak lova an ngaihte an khenbehna a ni a, Phoiniki ho chin chhuah, Rom, Sawrkar pawhin misual khenbeh nana an hman ve tak ni a sawi a ni. Chu misual berte thihna kraws ngei mai chu kan Pathianin a fapa thih nan a thlang hi thil mak tawp chu a ni.

A Pathianna aṭang leh a thianghlimna aṭanga chhut chuan Anchhedawngte thihna kraws-ah hian Lal Isua hi thi chi a ni lova, Amaherawhchu, mihringte

chhandam hna hawk tura Pathian tirh a nih si avangin mihringte bawhchhiatna avangin kraws thihna a rawn tuar a, a thihna chu Pathianin kan nunna atan a lo pawm ta zawk a ni. Chu krawsa thihna ngei chu.

Damna min pe ta:

Numbers-ah chuan Israel fate chuan Hor tlang aṭang chuan Tuifinriat sen lamah Edom ram kal hualin an kal a, tichuan an hel nasa em em mai a, Lalpan rul chuk na mi te a tir a, mite chu a chuk a, Israel mite chu tam tak an thi a, Lalpa leh ilakah kan lo sual ta a ni. Kan zinga rulte hi tibo turin Mosia ṭawngtai rawh tiin an ngen a. Chutichuan Lalpa thu ang zel chuan Mosian rul chuk na mi lem a siam a, banah a khaia, chu dar rul en apiang chu an dam zel a, en duh lote erawh chu an dam lo a ni.

Kraws en lova he khawvel thil dang hrang hrang en a, tlanna tur hi kan tunlai khawvelah hian a tam hle mai, mahse chu kraws en lova kal chu khawvel damna a ni si lo a, chu krawsah chuan tuarna, retheihna, elrelna thil tam tak awm mah se en la, luh chilh la, chu Kraws daihlim hnuiah chuan damna, chatuana damna he khawvel tan hian a awm a, thlir la, i chhuan ber ni se i khawvel damna tur atana Lalpa pek che a ni tih i hre thanh leh ang u ●

KHAWL THLUAK NEI



ZIR BINGNA

John Chhana, Tura Br., Guwahati Bial

Terminator 2: Judgement Day-a Arnold-a'n khawvel a chhandam aṭang khan kum 33 zet chu a lo liam ta. Kha Arnold-a kha A.I. (Artificial Intelligence) a ni, a taksa chu khawl, thira chher a ni a, thluak (A.I.) a neih avangin en mai khan *robot* a ni tih a hriat theih loh. Mizoten computer hi “Khawl-thluak-nei” kan lo ti a, a inhmeh viau naa tun hma kha chuan ‘thluak nei’ tiha han sawi theih tak tak kha a ni lo - *processor* a nei a, chu chuan mihring thupêk (input) kha a lo dawng a, mihring hriat thiam theih turin a rawn tilang (output) leh mai kha a ni a, a hmangtu tel lo chuan tih theih a nei tlem khawp mai.

Eng nge A.I.?

Mi nawlpuiin A.I. kan hmeli hriat ḫanna chu kum 2022-a tlángzarh ChatGPT kha a ni a, assignment emaw essay

emaw ziak turin mihring lam hian tih tur a lawi hi kan lo nei ta lo. Mahni taksa rihna kan lo belhchhah chhung khan mite chuan COVID 19 laiin ChatGPT an lo siam chhuak a nih chu. “Chumi khami chu,” kan ti a, sap ṭawng felfai lutukin, ei nghal buan buan theih turin min han chhawpchhuahsak thei ta mai chu a ni a. Chu mai a ni hleinem- hla siam, rimawi



**WHAT IS
A.I.?**

Mi naran hian a theihna tak kan la phawchhuak lo mai a ni a, games, software leh nuclear reactor te thlengin A.I. hi an lo siamtir (Program) thei tawh a, ram changkäng tam zâwkah phei chuan motor an khalhtir mai mai tawh. A chithlum atan a tha ber chi ni lo deuh, a notë kan ti dawn nge – MetaAI lah chu mi tinin kan hman theih turin Whatsapp leh Facebook-ah a thlawn veka

hman theihin min tem virtir a, kan hriat loh hlànin A.I. (Finna siam chawp) chu kan lo hum ta far mai chu a nih hi. Rawngbawltu tunlai deuh phei chuan an hmang ṭangkai khawp mai, ani mihring lo tih ve tur chu Mizo ṭawnga sawi chhawn kha a ni a, ṭawng letlingtuah a lo ṭang ta zawk a ni.

A.I. hna thawh dan tlangpui

Khawl-thluak-nei kan tih hian computer leh phone kaihhnawh hrim hrim hi huam vek mah se, tun hnaia A.I. khawvel kan han chuan kai tákah hian “Thluak nei” tih hi a lo inhmeh tak tak ta. Input leh Output ringawt a ni tawh lo va, amaha inzir theihna ‘machine learning’ ság tak a nei tawh a, computer leh phone-ah chuan ‘Hei hi ka hmeh chuan chuti chuan a awm ang,’ kan tih theih kha A.I. ah chuan a lo ni tawh chiah lo. A siam chhuaktute ngei pawhin a chêt dan tur an sawi lâwk kilh kelh thei lo va, a chêt theihna mual ri erawh an kham thei.

Tun hnaia kan hriat lär ber A.I. chi khat chu Generative A.I. (thil siam thei) a ni a, a siamtutem

a inzirna tur hriatna (information) tam thei ang ber an barh ṭeuh va, chumi chu thil thar siam nan a lo hmang thei a ni. Entir nan, A.I. chu hla siamtir duh se, hla awm sa a maktaduai tél an pe ang a, chung hmang chuan a lo inzir char char ang a, “Chumi/khami chungchang hla mi siamsak teh,” i han tih chiah khan a hnathawh dan tur duan sa (algorithm) leh a hla hriat tawh zawng zawng hmang khan hla thar (anga lang) a siamsak thei dawn che a ni. ‘Thar anga lang’ kan han tih



kherna chhan chu chutah tak chuan Solomona’n, “Ni hnuiah thil thar a awm lo,” a tih kha a lo dik khawp a, hla awm sa (data) a hmang mai zawk a ni. Instagram leh Amazon te kan han tuai a, kan rilrua awm deuh te, kan awh záwng deuh te a lo lang zel mai hi mak tih tur a ni lo, algorithm hmangin kan ngaihven deuh kha a lo chhüt chhuak ve a ni mai.

A.I. that tâwk lohna

Kristalina Georgieva, IMF chuan khawvela mihringten hnaa (job) kan neih 40% hi chu A.I.-in a nghawng tawh a ti. A hmang thiam ram tan chuan a tha hlei

hlei ang a, amaherawhchu, A.I. motor khalh thiam, zirtir hna hawk thei, dàwr nghâk thei, chanchin thar puang thei, music track siam thiam te kan hman fur hunah chuan hna hmuh chu a va har lehzual dawn êm! Chu chu A.I. kan hmelriat tirhah kan hlauh chhan hnaivai ber kha a ni-kan hnate min lâksak mai ang tih hi. China ramah phei chuan *dark factory* an ti a, mihring kut thawh ngai miah lovin thimah khawl hlangin hna an hawk tawh a ni. Huphur hawm viau anga an lan rualin February 2023 khan

Google siam chhuah Gemini A.I. chuan thu belh chian dawl lo a sawi chhuak tlat mai – “James Webb Space Telescope-in kan solar system pawnna planet thla a la” a ti. Internet lo chu thu lâkna tur a nei bik si lo va, dâwt muhlum kha thu dik angin a sawi ve hmiah a, Google company chuan dollar maktaduai eng emaw zat a hloh phah a nih kha.

Rom 1:30-ah Tirhkoh Paula'n mihring fate sualzia leh engkim mai hi sual nan an hman duhzia a sawiah khan A.I. hi a bäng bik



lo. Kan nu leh pâté tan phei chuan hriat hran ngaihna a awm tawh lo – Donald Trump-a police-in an man tak tak emaw lo ti pawl te, Elon Musk-a'n pawisa a sem emaw lo ti pawl te a awm loh theih loh, a video leh an âw te tlengin a siam chawp theih tawh mai si a, a hmang sual duh tan chuan mite rawkna hmanrua tha tak a ni thei; thalaite erawh kan mit a fing deuh. Thawnthu bu ka siam ve tum khan a káwmah A.I. siamchawp lem ziak ka hmang a, ka artist thianten min rawn hau luai luai. A hmu thang tan chuan a la hriat hran theih a, kum a liam leh meuh chuan a har talh tawh ang a, thalaite pawh kan inbum tawn ang a, bumin kan la awm fo ang.

Tin, A.I. hian politics leh sakhuah àwn lam zu nei a! Thilsiam a ni a, a siamtu rilru a chhawm a ni mai a niang chu. Isua Krista chungchang fiamthu thawhtir chuan sawi tur a ngah mai, Allah emaw Mohammad emaw kâp turin han ti teh, A.I. chatbot tam tak chuan an duh leh miah lo vang. Sawi duh záwng,

sawi ngam loh záwng a neih chuan kan rin dan chin tur hriat thiam a tha ang.

Hlauh tur a ni em?

Lehkhabu chhutna khawl (printing press) kha Chanchin Tha theh darhna hmanraw pawimawh berte zinga mi a nih lain lehkhabu tha lo zawng zawng chhuahna hnár a ni ve tho. KTP hi kan tha ang reng, mihring thiamna lo sang zel hi kan lo ban pha ve zel a, rawngbawl nan kan lo hmang thei zel hi. Technology tel lova fellowship neih chu har kan ti mah tawh a, inpawl khawm nikhuua kan rilru kaptu ber chu sound a dik em? Light a tha em? Group-ah kan post tawh em? Tih te a lo ni tawh. A.I. hi dik tako kan hman chuan a hmangtu thalaite Krista lama hruai nan thil tangkai tak a ni zel ang.

I bawn fe zawk

Mihringin engtikah mah Pathian ropuina kan pawl phák dawn loh laiin mihring thilsiamte lek phei chu lang ropui eng ang thin mah se, nang, mak tak leh hlauhawm tako duan (Sam 139) kha engtikah mah an tluk chuang

lo vang che. A changkäng thei ang ber pawh rawn chhuak se Lal Davida'n, "Mitte an nei a, an hmu thei si lo va... an kaah chuan thaw reng reng an nei hek lo," (Sam 135:15-18) a tih ang bâk kha an thleng pha tak tak dawn lo, *programming* vek a ni. Nang erawh i hlim thei a, i ngui thei a, huphurh záwng i nei a, phùr hun i nei; beiseina, suangtuahna, duhthlanna leh a pawimawh ber hmangaihna i nei. Chu H.I. (Human Intelligence) ropuizia chu hre thar leh ila, a Siamtu themthiamzia kan hmu thar leh ngei ang.

Siamtu ropui ber kut chhuak mihring, Ama anpuia a siam hian eng vangin nge mihring siamchawp hi kan lo hlauh ngawt ang? Kan tir kual ang a, kan báwl ang a, rawngbawl nan kan hmang ang a, misual kuta chemtum chu a hlauhawm laiin mi hmanghria kutah chuan hmanraw tangkai ber a ni thei a, khawl-thluak-nei Arnold-a meuh pawhin mihring hmangaihna a hmuh chhuah hnu kha chuan thil tha a thlen theih nan a nun a hlan duh hial a nih kha ●

ISUA KE BULAH I AWM EM?



C. Remsangzuali, Samthang Branch

Khawvel changkannain a ken tel, thiamna chi hrang hrangin thalaite nun min luh chilh mek zel a, kan ram Kristian ram intihna hmunah ngei pawh hian rawngbawl hi thil harsa tak a ni chho mek zel a ni. Hmasawnna sang zelah hian khawvel than chak ang zela kan rawngbawlna kan siam rem thiam pawh a ngai viauin a rinawm.

Ringtu intih mai a tawk ta lo a, kan bul hnai, kan chheh velah hian ni tin mai hian rawngbawlna tur hi kan nei a ni. Tunah hian eng dinhmunah ngei kan din mek, mahni inzawh nawn fo a ngai a, mahni kan inen let a, kan infiah fo hi a pawimawh tak zet a ni. Engtin nge mahni chu kan inen fiah ang? Keini Mizoram ringtute hi kan vannei hle mai, hun thawl leh nuam tak hnuaih Lalpa rawng kan la bawl thei a, min tibuaitu, harsatna lian tham awm lovin zalen takin rawng kan la bawl thei hi a lawmawm tak zet a ni.

Khawvel hmasawnna, changkannain a ken tel zinga mi tunlaia a tel lova kan awm theih loh ang hiala kan neih, kan nuna pawimawh em em, kan kianga

awm reng thin chu kan Mobile Phone hi a ni ngei ang le! Kan kianga awm tam ber leh hun tam tak kan sen ralna pawh a ni ngeiin a rinawm. Chutiang khawpa kan nuna thil pawimawh lo ni ta kan Mobile Phone pawh hi amah tawp chuan hlutna a nei tam lo a, tihnun a, tihchak ngai ve bawk a ni. Kan duh kan biak leh en theih nan chuan Recharge a, kan tihnun ve a ngai thin a, chutiang bawkin a thih mai loh nan kan charge a ngai ve fo thin. Battery nei lovin awm ta se a tangkai nep viau ang le!

A chunga Mobile phone kan sawi ang chiah khian Ringtu nun pawh hi tihchak a, Balance thun an a tihnun reng ngai kan ni a, Pathian thu chu kan hre zing tawh pawh a ni thei e, ringtu nun chu

hriat tawh sa pawh hriat nawn a, hrilh nawn fo ngai kan ni. Ringtu nun hi Mobile phone leh Charger nen hian a inang thei viau awm e, Kan phone-te chu a thih mai loh nan kan charge ḫin a, charge tur chuan Plug-ah charger kan vuah a, Charger aṭang chuan kan phone-ah kan thlunzawm ḫin a ni. Kan phone leh charger kha inthlunzawm ringawt kha a tawk mai lo va, electric a luh ve a ngai a ni. Plug -a electric a luh theih nan chuan Plug kha kan on-a Power a luh angai a, Plug aṭanga kan on loh a, kan vuah ringawt kha chuan kan phone charge kha a full thei lo mai ni lovin engmah a lut thei dawn lo a ni.

Keini ringtute pawh hi he Mobile phone leh Charger ang hian he leia kan rawngbawlna leh Kohhrana thila kan chanvo leh kan thiltihnaah kan hun tam zawk lo sengin, kan hun leh tha lo seng

viau mah ila, kan thlunzawm tur dik tak, kan chakna (Power) kan lakna hnar ber tur Pathian nena kan inthlunzawm chuan si loh chuan, Phone Power on si lova vuah ve reng ang lek kan ni ang a, kan hun leh tha sen zawng zawngte khan awmzia a nei dawn lo a lo ni reng mai.

*Chutiang chuan keini
thalaite pawh hian kan
dam chhunga kan
rawngbawlna ngawtah
hian kan hun kan lo
hmang ralin, kan thlun
zawm tur dik tak Isua ke
bula awm hman lo lek
hian rawng kan lo bawl
em? Kan pawn lam nun,
mite hmuh theihah chiah
hian kan hun hi kan lo
khawh ral mai mai ang
tib a va hlaubawm em.*

leh tha Kohhrana kan rawngbawlnaah lo seng viau mah ila, kan Pathian nena kan inzawm chuan si loh chuan kan rawngbawlna khan rah tha a chhuah thei dawn lo a ni. Kan Pathian hian pawn lam nun ni lovin chhungril lam a en ḫin si a, ti tha kan lo intih vena te,

**“ L A L P A
c h u a n
mihring en
dan angin a en
ve si lo va;
mihring chuan
pawn lama lan
dan an en ḫin
a, LALPA
erawh chuan
thiṇlung lam a
en zawk ḫin a
ni,” (I
S a m u e l a
16:7).**

thawkrim kan lo intih vena te kha a ni ngaih chuan engmah lo a lo ni thei a ni.

Chanchin Tha Luka ziaka kan hmuh Marthi leh Mari te kha kan chhut ngai em le? Marthi rawngbawla a buai em em lai khan a laizawnnu Mari erawh Isua ke bulah a thu sawi ngaithlain a awm a nih kha, Marthi chuan Isua hnenah, “*Lalpa, ka laizawnnun keimah chauh rawngbawltura mi thlahthlam hi pawi i ti lo vem ni? Mi pui turin ti rawh khai,*” a ti a nih kha, khatah khan Isua khan engtin nge a lo chhan. “*Marthi, Marthi, thil tam tak i ngaihtuah a, i buai a nih hi ; thil pakhat chauh a pawimawh e: Marin chan tha chu a thlang a, chu chu laksak tur a ni lo ve,*” a ti a nih kha.

Chutiang chuan keini thalaite pawh hian kan dam chhunga kan rawngbawlna ngawtah hian kan hun kan lo hmang ralin, kan thlun zawm tur dik tak Isua ke bula awm hman lo lek hian rawng kan lo bawl em? Kan pawn lam nun, mite hmuh theihah chiah hian kan hun hi kan lo khawh ral mai mai ang tih a va hlauhawm em. Kan Pathian hian chhungril lam a lo

en si a, tiṭha kan lo intih ve em em lai hian nikin niah kan Pathian hian, ‘**Tu nge ni ka hre lo a che?**’ tih hnawlna anka hi kan dawng let mai ang tih a hlauhawm khawp mai. Chuvangin,engtiang chiahin nge kan rawngbawlna hi kan kalpuin inen let fo a ḡha hle mai.

Kohhrana kan chanvo kan neih ringawt hlen chhuah hi a tawk zo lo a, kan Pathian nena kan inkar hi a fel em, kan inthlunzawm ḡha em? tih kan inen let fo a ngai a ni. Kohhrana kan rawngbawlna hi kan chak lakna hmanraw pakhatah ngai ila, amaherawhchu, kan dah len viau chuan rei a daih lo fo ḡthin a, eng emaw harsatna kan chunga a lo thlenin kan tisa hian a tlin lo fo a, a chak leh ḡthin lo a ni. “**Thlarau zawngin a peih a, tisa erawh a chu a chak lo a ni**” (**Marka 14: 38**) tih ang hian kan tisa hian a tlin leh thin lo a ni. Chuvangin, Isua ke bula awm thei tur hian en tur dik, pan tur dik kan thliar thiam a, a hnen thleng thei tura tun kan dam chhung, kan ḡhat lai ngei hian mahni inen fiah fo chunga a hnung kan zui hi keini ḡthalai rualte hian kan tih tur pawimawh tak a ni •

PATHIAN HNAIH



J. Lalhruaisanga, Laipuitlang Branch



Aawmzia : Jakoba 4:8-a “Pathian hnaih” tih hi Hebrai ḥawng chuan “qirabat Elohim” tih a ni a. Chumi awmzia chu “Pathian pan” emaw “hmachhawn” emaw tihna a ni. Elohim tih hi Hebrai Bible-ah chuan “Israel te Pathian” sawi nana hman a ni. Qirabat tih hi Pathian hnena intukluhna, rinna nena Pathian ṭanpuina beisei a, amah va pan hnaih tih a kawk thung. Pathian hian amah hnaih turin min duh a. Ringtu kan nih chuan kan tih makmawh a ni. Mahse ringtu inti leh rawngbawlta zingah ngei pawh hian Pathian hnaih tak tak lo, hmingthatna te, lansarhna te, nihna leh chanvo te avanga Pathian hnaih hmelpu satliah erawh chu a awm theih ve tho mai! Bible-ah hian Pathianin amah pantute a hnar ngai lo tih kan hmu a, tu pawh amah pantu chu damlo, mitdel, keibai, ramhuai zawl, thi put te pawh damna a thlensak ṭhin a, mitthite hial pawh a kai tho a nih kha. Amah hnaihtu apiang chuan tisa leh thlarauah damna an chang ṭhin. Chuvangin keini pawh kan nih ang anga Pathian lam hnaih a, a hnena intulut mai tur kan ni. Chu chu kan damna tur leh kan nun khawchhuahna tur kawng chu a ni.

Sâm 145:18,19-ah chuan “LALPA chuan a kotu zawng zawngte chu a hnaih ṭhin a. Tih tak zeta amah kotu zawng zawngte chu. Amah tihtute duh chu a hlawhtlintir ang a; an au thawm a hria ang a, anni chu a chhandam ang,” tiin a sawi a, Pathian hnaih kan duh chuan ‘tih tak zet a, amah kan koh’ a ṭul. Mahse, kan duhthlannaah a

innghat thung. Pathian hian amah hnaih turin mihringte hi duhthlan theihna chanvo min pe a, chuvangin amah kan duh tak tak a nih chuan thil dang aiin kan dah hmasa tur a ni.

Thalaite khawvel-ah:

India Human Development Survey leh India Today tangkawpin 2018-a India ram

University zirlai sangthum chuang zet an zir chiannaa an hmuhchhuah chu- ṭhalai za zela pariat vel hian chhungril nun ruak leh khawharna vangin harsatna an tawk mek-tih hi a ni. Mizo ṭhalaite pawh hi kan bang bik lo niiñ a lang. Kan nun ruak hnawh khahna leh hlimna beiseiin ngaihzawngah, ruihtheihthilah, mipat hmeichhiatna, sum leh paiah te kan tlan a. Mahse, nikhua rei a kan hriat chhuah leh ṭhin chu kan nun ruak an hnawh khat thei chuang lo a, lungawina tak tak min pe thei lo tih hi a ni leh ṭhin. Chuvangin nun famkim nei tur chuan engkimtithei Pathian kan hnaih a ṭul a ni.

Kum zabi 21-na, khawl thluak nei leh hmehkhep chi tinrengin ro an rel tawhna khawvela ringtute tan hian Pathian hnaih hi a harsain a va pawimawh si em! Zing kan thawh phat aṭangin amah Pathian kan hnaih theihna min daltu nuam leh awlsam chi tinreng hi kan nunah a bet tawh a, chhun min nilenpui thak hnuah zan mut dawnte hlei hlei hian ṭhahnem a ngai zual ta emaw tih turin hmelma pa hian hmanrua

leh nuam chi tinreng nen, Pathian kan hnaihna dal thei tur hi a inchhawp chhuak zut zut zel mai si a. Dik tak chuan he chhuan ṭhalaite tan hi chuan Pathian hnaih hi a awl lo a. In veng fimkhur lo mi tan chuan darkar tin hian Pathian min hlattir theitu hi an ther fer fur zawk a ni.

Hrehawm karah pawh ni se:

Mihringte hian duhthusam ram tak tak hi kan thleng zo lo theuh mai. Mahni tawkah lungawi lohna leh hrehawmna hi kan nei ve fur hlawm a. Kan hriat loh leh tihluih ni lem lo pawhin sual vangin kan lungngai fo a. Kan mawipui tur leh ṭhatpui tur nia kan hriatte hian sual lamah min hruaiin, kan hrehawmna siamtua ni leh ṭhin. Tin, keimahni nawmna kan duh luat avang hian kan hriat reng sualah pawh thlem thlukin ni tin kan awm a. Heng hrehawm zawng zawng hi Pathian kan hnaih loh vanga lo thleng ṭhin a ni. Thlarauva piantharna tak tak kan chan loh avang hian hrehawm nia kan hriatte hian min hnuk hniam a, kan rawngbawlna a nung zo lo va.

Kan rawngbawlsakten kan nunah ei tur an hmuh loh phah fo ḫthin.

Mi dangte hnena kan sawi chhuah ngai loh, chhungril lama natna leh hrehawmnate hian ringtute ke pen hi a hnuk muang thei a. Achang chuan kan sual zep rukte hian Pathian hmel min entir ngam lo fo a. Tih tur a nih avanga fel leh ṭha taka kan tih ve fo ringawt hian chu chhung ril nun ruak leh hrehawm chu a hnawh khat zo tawh si lo. Mi dangte min hriatpui ve phak loha kan nun thuhruk avang hian vawi eng zat nge hrehawmin kan awm tawh hlawm le? Vawi tam tak a rukin chin fel kan tum a, mahse Pathian aṭang lo chuan kan buaina hi a kiam mai thei tawh si lo.

Thiamna leh finna a sang ve zel a. Pathian hnaih nachang hre lo thiamna leh finna a mi ril pui pui an lo chhuak zel ang. Material khawvelin min chiah hneh tial tial bawk ang a. Chung mite mithmuah pawh Pathian ropui a nihzia tar langtu tur chu keini Kristian Thalaite tho hi kan ni.

Finna a san rual zelin sual hmanrua pawh a changkang chho ve zel a. Chutih hunah chuan Pathian chen chilh loh, thlarauva awm lo leh Pathian thua tuihnang nei lo kan la nih zel chuan mi hnawksak kan ni thei dawn a ni.

Ringtute hi mahni inen ila. Pianzia leh mizia, thiamna, finna leh ropuina nei ṭha ve tawka inhria a, Pathian mamawh lo tur khawpa chungnung tu nge awm thei ang? Famkim lo kan nihna hian Pathian kan mamawhzia a tilang a. Tisual ḫthin kan nihna hian Pathian hnaih fo tur kan nihna min hriat nawntir ḫthin. Chuvangin kan tlin lohna leh fel lohna nen Pathian hnaih thar ila, Pathian thlarau pawl theih turin mahni thinlung hawng thar ila, chanvo chang tur leh ti tura ruat kan nih vang maia rawngbawl lovin, thlarau thar-huaisenna leh ṭhahinem ngaihna tak tak nei turin Pathian hnaih thar leh ila. Thutak awm reng chungin, kan thlen chin aṭang hian hma i sawn zel ang u ●

QUARANTINE KA NI EM?



Article



Z. Lalremkima, Ngengpui Branch

Covid-19 a hluar vanglai khan Quarantine tih ṭawngkam hi a lar hle a, Covid-in min han nuai tak tak lai phei chuan, kan hre zing malh malh hle mai. Quarantine tih ṭawngkam hi hrilh fiah hran ngai loin kan hre thiam vek mai awm e.

Kristian Thalaite pawh hi Setana hian, chhan hrang hrang leh thil tam tak hmangin min Quarantine thin. Thil te tham leh lian tham tak te, mawi leh nahl tak hmangin min veh thlem a. A lamah min pawt hnai a, kan tlu leh nge nge thin. Pharoa'n Israel fate kha chhan hrang hrang hmangin Aigupta ram chhunga awmtir hram dan a ngaiantuah a nih kha. Setana pawh hian chhan hrang hrang hmangin a ram chhunga awmtir min tum thin, kal ta ula Lalpa rawng chu va bawl tawh u. Exodus 10:24.

Ruihhlo hmangin min quarantine:

Kan ramah ruihhlo a hluar hle mai. Setana hian ruihhlo hmangin thalaite a bawihah min tantir a, hrui sei tak hmangin min phuar a, ramri pel lo tawk chiahin min thlah zalen a, chu hrui hmang chuan a duh duhna hmunah min kai a, zallen a pumhlum kan neih theih nan kan tal chhuah erawh a phal lo. Ramri min siamsak a,

chu ramri pel lo tawk chiah chuan min awmtir thin a ni.

Setana hian ruihhlo tichungin biak ina kan kal a phal a. hnatianga thawh a phal a, KTP active member kan nih pawh a phal. Mahse kan thinlung leh tih tak zeta Pathian nena len dun erawh a phal lo. Huam chin, phal chin neiin Pathian rawng min bawltir thin. Eng chen nge kan dai a, kan ke kan rah luh thin. Pathian rama lut tur hian kan ke pen a khawr tlat zel em?

Ruihhlo ngaitu tam zawk hian, ruihhlo in a nghaisak laklawh tawh avangin tal chhuah tumin bei ve ngial mah se, anmahni mai chuan tal chhuah harsa an ti thin. Setana ram ri thiāt a, Pathian rama luhpui thei tur Kristian Thalaite hi thutak kan nunpui tawh lo em ni.

Ruihhlo bawilha tangte phelh nan chuan hmangaihna, hriatthiamna, dawhtheihna, ngaihsakna te hi a pawimawh hle. Kristian Thalai tih hming putu

hian mi tangte tan a chhe lai siam tha a, zallen dar khawngtu kan ni em? A chhelai siam tha si lo hian thalai pawlah kan inhmang thin em. Kan kutte an lamah phar ila, setana ram chhunga an awmna atang hian Pathian rama seng luttu nih hi Kristian Thalaite mawhpfurhna a ni.

Sum leh pai hmangin min quarantine:

Sual tinreng bul chu tangka sum ngainat (Timothea 6:10) a nih thu Bible-ah kan hmu. Mihring kan nih avangin sum chu kan mamawh vek awm e. Chutih rual chuan sum leh pai umin Kristian Thalaite hi kan buai lutuk em aw! A ram leh a felna kan zawn hmasak a ngai. Kan thalai puite nunah a chhelai siam thatu tur kan nih mek lai hian sum ngainatna hmang hian a tichhetu zawk kan ni em?

Exodus 10:26-ah khan Mosia chuan Pharoa hnena an rante chu Pathian rawngbawl nan an hmang ngei ngei tur a nih thu a hrilh a. Kan sum leh pai lak luh hmang hian Pathian rawng kan bawl ve em? Pathian rawng bawl ni ta ila, kan sum lak luh danah te hian Pathian hi a lawm ang em? Kan Rawngbawlna hi a hlawkin a tlo ang em? Kan sum lak luh a dik leh dik loh ngaihtuah miah loin, Pathian malsawmnaah ngaiin Pathian tan kan pe a, kan thla a muang mai em? Chu

thlamuanna chu setana hmanrua, sum duhamna báwiha min khung tlatna, kan tal chhuah a phal lohna chu a ni.

Lungaihna leh manganna, harsatna lian tak kan tawk a, natna khirh tak kan tuar a, sum thiltihtheihnain awmzia a neih tawh loh chinah chuan kan mamawh ber chu Isua a ni leh thin. Isua aiin sum hi kan hnaih a, kan bulah hian kan dah fo em. Isua hi kan nun laimuah dah ila kanmamawh chu minpeem emang.

Sum leh pai neih tam hmangin nun hlutna teh lovin, takna a nunpui em tih hi kan inen a pawimawh hle. Duham takin kan nung em? Kan in leh lo ramrite hi sawn kan ching em? Bible chuan “a thenawm ramri sawntu chu anchhedawngin awm rawh se” a ti hial a ni.

Thawnthu hmangin min quarantine:

Setana hian rawngbawlpuite inkarakh pawh hian hêm a thlak fo thin a. Mahni fel leh tha, dik leh tling nia inhriatna min neihtir a. Mi dang kan teh a, kan teh tlin lohte khan rawngbawlna chanvo an chang a, malsawmna an han dawng a, kan na thin em? Chu tak chu setana'n thiam tak, mawi taka Pathian kan hlat theihna tura a hmanraw duan a ni. Rawngbawlpuite tlin lohna hmu thei riauin kan mit hi min tih varsak thin. KTP committee

member kan han ni a, ṭahnm̄ ngaih a na a, kohhran committee thu pawh ngaichang hman lovin, kan dai loh tur, kan rah luh lohna tur thlengin luh mai a chakawm̄ thin. Chu tak mai chu Pathian rawn chunga kan kal a pawimawhna chu a ni.

Pathian thu nge kan buaipua khawvel? Pathian thutak lamah hian kan beng hi chhu ngawngin thawnthu lamah kan kal nasa tawh zawk em aw! (2Tim 4:4). Thutak hrulah hian setana hian min hruai em? Min hruai bo hun a la nei ngei dawn. Kan awm̄ mekna, kan din mekna hmun hi en ila, kan awmna hmun a dik lo a nih chuan i kal chhuak ang u.

Pathian thutak tak buaipui lo hian Pathian rawng hi kan lo bawl em? Setana thik khawpin thutak kan nunpui em tih hi Kristian Ṭhalaite kan ni tin inzawhna ni se. Eng nge ka buaipui tam ber thin? KTP thiltihna te, rawngbawlbawlna te hi kan kova tla a nih vang chauha ti mai mai nge kan nih a, Pathian ram a zauh theihna tura beitu zawk.

Setana bawih ni tawh lo tura zalen kan ni, chu zalenna puangtu chu Isua a ni. Zalen ni reng chung si hian setana hian min la thunun tlat a nih chuan zalenna famkim kan nei lo tihna a ni. Ni e, Israel fate pawh kha Pathian tana inthawina nei turin thlaler ni thum̄ kalah chuan Pharoa'n kal a rem

ti tlat lo. Ahmuh phak a, hnai tako Pathian tan inthawi turin a ti a nih kha. Setana hian a hmuh phak, a thunun phaka kan awm̄ phawt chuan Pathian rawngbawl hi a lo remti ngei mai. Pathian rawngbawltu, Kristian Ṭhalaite hian setana hmuh phakah hian kan tal kan tal mai lo maw. Kross ram rap thleng turin ke kan pen a pawimawh. Keimahnia min ti hnawktu, kross kan panna tura min daltu chu kan pail bo ve a tul.

Pathianin a rawng bawl tura min thlang ta sa sa chu Setana'n min phuar tlatna, min tān tirma atang hian chhuak ila, thinlung leh tihtak zetin, thahnm̄ ngai leh zualin rawng bawl ila. Pathian kan dah lal tlat chuan setana hian min khung bet reng thei dawn lo. Israel fa-ten Aigupta ram chhunga inthawi an duh lo ang khan, keini pawh Setana ram atang chuan zalenna pumhlum kan nei thei dawn lo a ni tih hria ila, setana ramah hian i awm̄ lo ang u. Setana ram chhunga kan awm̄ chhung chuan Pathian rawngbawltu ni lovin, Setana rawngbawltu kan ni ang tih a hlauhawm. Rawngbawl tura chhandam kan nih ang ngeiin, Pathian ramah mi a tam thei ang ber lak luh i tum zawk ang u. Chu chu Kristian Ṭhalaite kan mawhphurhna a ni. Aigupta ramri pel lo hian kan inthawi ang tih a hlauhawm hle ●



YOUTH RECREATION CENTRE CONVENTION CENTRE

Thangkhat lian zet KTP ten kan lo buaipui tawh YRC Convention Centre chu Pathian hruaina leh awmpuinain ni 28.2.2025 (Zirtawpni) chawhnu dar khat khan Synod Moderator Rev. R.C. Lalnghakliana'n a hawng a, YRC Convention Centre kan hawng thei ta hi a lawmawm hle a. Pathianin kan ṭawngṭaina a chhang a, KTP member-ten sum leh pai phal taka kan thawh khawm te, tha leh zung ui lova kan sen ṭhin avanga puitlin kan ni a, a lawmawm hle a ni. YRC hi Pathian ropuina puan chhuahna hmun lo ni zel rawh se.

YRC bul ṭanna:

CKTP chuan kum 1987 khan ṭawngṭaina hmun leh Youth Recreation Centre (YRC) atan Hlimen ramah hmun zau tha tak ṭin 2 hmun ₹ 10,000/-in a lei a. Hun eng emaw chen hma lak a ni a, amaherawhchu, a hmunhma chungchangah chhunzawm zel a remchan loh avangin YRC hmun chu kum 2012-ah Synod kutah hlan a ni a, Hlimen rama YRC hmun chu tihtawp a lo ni ta a ni.

Falkland-ah:

YRC hmun tur hi theihtawp chhuaha zawn chhunzawm zel a ni a. Vanneihthlak takin Synod-in Falkland-a Pu Sangsiama ram ₹ 3,00,00,000/-chuanga a lei chu 'CKTP YRC atan hman ni se' (SEC 251:46) tia a rel thu CKTP chuan a dawng a, YRC hmun hi bigha 13 (32608 sq mtr) laia zau a ni a, Synod-in YRC tana

hmun tha tak min pe hi a lawmawm hle a ni.

YRC Lungphum:

Falkland-ah hian YRC din turin hma lak chhunzawm a ni a. Plan leh Estimate siam a nih hnuah ni 11.5.2015-ah a hmun laih zawl hna tan a ni a. October 13, 2015-ah Rev. Lalrinmawia, Synod Moderator-in YRC Lungphum a phum a ni.

YRC tihzangkhai:

Hun eng emaw chen hma lak a nih hnuah kum 2018-a West Phailenga KTP General Conference, Rorel inkhawmah, 'YRC Project kalpui mek chutun aia zangkhai leh chhawr hma a nih theih nan tihdanglam ni rawh se' tiin rel a ni a. Hemi hnu hian a tira ruahmannate siam that niin, zangkhai zawkal kalpui tura ruahman a ni ta a ni.

Tawngtaina hmun:

YRC hi member-ten kan chhawr hma theih nan tawngtaina hmun tur November 8, 2018-ah ruahman ṭan a ni a. November 30, 2019-ah Rev. Dr. K. Lallawmzuala, Leader CKTP-in a hawng a, tunah hian Tawngtaina Inpui bakah Prayer Cabin 30 sak zawh tawh a ni.

Convention Centre:

Kan hawn tak Convention Centre hi Design leh Plan-te siam turin Landmark Architect & Engineering Consultant-te rawih an ni a. A building sa tur hian Lushai Engineers-te nen September 17, 2019-ah inremna (Agreement) ziah niin a sak hna ṭan nghal a ni a. Hun eng emaw chen a sak nan ₹ 4,25,00,000/- sen ral a nih hnuah February 9, 2023-ah Lushai Engineers-te nen inremna (Agreement) thar ziah leh a ni a, ₹ 4,43,90,000/-ruahman thar niin kum 2 chhunga sak zawha kum 4 chhunga rulh turin inremna siam a ni.

Convention Center-a awmte:

- Convention Centre Hall
– Mi 900 len theihna
- Mizoram Synod Choir Cabin
- Dormitory – Mipa 60 & Hmeichhia 40 riah theihna
- Dining Hall
- Choka
- Restaurant
- Committee Room
- Chokidar Quarters

YRC ZIN KAWNG

- 1987:** Hlimenah KTP-in ram a lei.
- 1988:** KTP ram chu patta fel a ni.
- 1989:** KTP ram chu a hmunah enin a hman dan tur ngaihtuah a ni.
- 1992:** KTP ram cheibawl dan tur en ho a ni.
- 1994:** KTP ram chu hman ṭangkai dan tur ngaihtuahin hma latu tur inruat a ni.
- 2002:** KTP ram chu tawngtaina hmun tura ruahman a ni a, a kawng sam fai a ni.
- 2003:** Tawngtaina hmun hman a nih vat theih nan a kawng laiin chak zawka hma lak a ni. KTP ram chu mi dang nena indawrnaah remchan zawkna avangin **Youth Centre** hming vuah ṭan a ni.
- 2005:** Tawngtaina in sak chhunzawmin choka-cum-godown sak zawh a ni a. Hlimen Damveng Br-te bethel-in a hmun an sam fai nghal.
- 2007:** KTP ram changlung taka siam dan tur ruahman a ni a, **Youth Recreation Centre** tih a ni a, hei hi Youth Recreation Centre (YRC) hming put ṭanna a ni.
- 2008:** YRC kawng laih zawh niin hawn a ni.
- 2012:** Hlimen rama YRC chu a hmunhma chungchangah chhunzawm zel a remchan loh avangin Synod kutah hlan a ni a, Hlimen rama YRC hmun chu tihtawp a lo ni ta a ni.
- 2014:** Synod-in Falkland-ah YRC hmun tur KTP a pe.
- 2015:** YRC Lungphum phum a ni.
- 2018:** Zangkhai zawka kalpui rel a ni.
- 2019:** Tawngtai in hawn a ni.
- 2019:** Convention Centre sak ṭan a ni.
- 2025:** Convention Centre hawn a ni.

**YRC, CONVENTION CENTRE-A
THILPEK DAWNTE**

KHUM CHHAWNG PETUTE (Pakhat man ₹ 20,000)

S/n	BIAL / BRANCH	Pek zat	S/n	BIAL / BRANCH	Pek zat
1	Bungkawn Bial	1	8	Kulikawn Branch	1
2	Chaltlang Bial	1	9	Leitan South	1
3	Chaltlang Branch	1	10	Ramhlun Branch	1
4	Chhinga Veng Bial	1	11	Ramhlun East	1
5	Dinthal Branch	1	12	Saron Branch	1
6	Electric Veng Bial	1	13	Tanhril Bial	1
7	Khatla Branch	1	14	Zemabawk Branch	1

MATTRESS PETUTE (Pakhat man ₹ 5,000)

S/n	BIAL / BRANCH	Pek zat	S/n	BIAL / BRANCH	Pek zat
1	Armed Veng North Br	1	9	Ramhlun Branch	2
2	Bethlehem Branch	2	10	Ramthar Veng Branch	2
3	Chawnpui Branch	1	11	Salem Veng Branch	2
4	East lungdar Bial	1	12	Saron Branch	1
5	Electric Veng Branch	2	13	Thingsulthlia Branch	1
6	Khawruhlian Vengthar	1	14	Zemabawk Vengthar Br	1
7	Kulikawn Branch	2	15	Zonuam Branch	2
8	Luangmual Branch	2	16	Airfield Vengthar Branch	2

CHAIR PETUTE (Pakhat man ₹ 2,000)

S/n	BIAL / BRANCH	Pek zat	S/n	BIAL / BRANCH	Pek zat
1	Airfield Vengthar Br	1	18	Maubawk Bial	5
2	Buknuam	1	19	Kulikawn	5
3	Champhai Kanan Br	5	20	Leitan Bial	5
4	Champhai Zotlang Br	1	21	Lungdai Branch	1
5	Chanmari W Chhim Veng Br	2	22	Model Veng Branch	3
6	Chhingga Veng Branch	5	23	N. Vanlaiphai Branch	2
7	Delhi Branch	3	24	Ngopa Branch	2
8	Durtlang Bial	5	25	Ngopa Venglai	4
9	Durtlang North Branch	5	26	Rajiv nagar Branch	1
10	East Phaileng Bial	5	27	Ramhlun Vengchung Br	5
11	Electric Veng Branch	5	28	Ramhlun Venglai Branch	2
12	Electric Vengthlang Br	1	29	Ramthar North Branch	5
13	Himali Bial	5	30	Rengtekawn Branch	1
14	Hunthar Branch	5	31	Republic Vengthlang Br	2
15	Khawkawn Branch	1	32	Sakawrtuichhun N Br	1
16	Khawzawl Venglai Br	5	33	Saron Branch	5
17	Tlangnuam Bial	5	34	Bungtlang South Bial	2

THIL DANG PETUTE

S/n	BIAL / BRANCH	Pek	A man	Pek zat
1	Zemabawk Bial	Table	50,000	1
2	Falkland Branch	Lectern	40,000	1
3	Ramhlun North Branch	Mixer dahna	40,000	1
4	Sakawrdai Branch	A ṭula hman atan	5,000	
5	Chanmari Bial	Sofa set	70,000	

**THALAI
HUANG**

**BIBLE BEHCHHANA SERMON
(EXPOSITORY SERMON)**
(SOURCE : REV. DR. C. LALHLIRA)

◆ **A AWMZIA**

1. Bible chang pahnih emaw, pathum emaw thlang chhuaka Pathian thuchah sawi a ni.
2. Thupui emaw, a thuchah pumpui emaw hmangin thuchah chu ruahman a ni thin.
3. I t̄anhmun chu hemi chang thlan atang chauh hian lak tur a ni (Bible chang dang atangin entirna chu siam theih a ni).

Expository hmanga thuhriltu chuan a chang tlan hmangin Pathian thu dik a puang chhuak a ni.

◆ **A THATNATE**

- 1. Bible thu ngei hmang thusawi a ni:** A ngaithlatute pawhin Bible thu ngei an ngaitla. Bible thurin ngei hmanga thuriltu a inbuatsaiah chuan amah ngei pawh Pathian thuin a hneh nge nge a. A ngaithlatute pawh Bible thu ngei an an ngaihthlak chuan an rilru a hneh ngei ang. Chutiang chuan thuhriltu leh ngaithlatute chu Bible thu hriatnaah a pui dawn a ni.

- 2. Bible-a thusawi kan hmuh dan nen a inrem bik:** Lal Isua pawh khan a thu sawiin Pathian lehkha thu behchhanin a sawi a (Lk 4; Mt 6-7); Tirhkohte pawh khan chutiang tho chuan an sawi.

- 3. A huam a zau:** Thuhriltute hian thupui neia thu an sawiin an thupui an kalsan fo thina sawi a

ni a, expository sermon-ah chuan chutiang a awm lo. Miin a chang thlan a hrilh fiah that phawt chuan a thusawi turah a lut fuh ngei ngei thin.

◆ **A THAT LOH THEIHNATE**

- 1. A ninawm ve thei:** Bible bu ngai emaw, a chang ngai emaw thlan fo chuan ngaithlatute tan ninawm a ni thei. Thuhriltu thenkhat chuan an chang thlan ngai emaw, a bu ngainat bik emaw an neih chuan ngaithlatuten ngaiah an neih emaw, ninawmah a kal emaw thin.

- 2. Thusawitu tan thatchhiat a awl:** Hetiang thusawi tur thlan hian inbuatsaiah thatchhiat a tiawsam a, kan chang duh lai chhiar a, tawite tea sawi fiahna siam mai kha duh tawka neih mai theih a ni a, chutiang chu a tha lo.

- 3. Chang sei lutuk thlan a tha lo:** Chang thlan tur a sei lutuk chuan sawifiah nan hun a duh rei dawn a, ninawmah a kal thei. Thusawina hun pangngaia sawi zawh tur tawk chang thlan thiam a tul hle a ni.

- 4. A huam a zim lutuk ve thei:** Expository type hmanga thusawi hian tunlai hun atana mamawh a hmaih thei an ti thin. Expository hmanga thuhriltu tan hemi laka inven a tha ang ●

UPA LALZARMAWIA

GENERAL SECRETARY
CENTRAL KTP



HRUAIUTUE Chanchin

Upa Lalzarmawia hi Roliana (L) leh Chhinglani te fa panga zinga a naupang ber niin May 29, 1978 khan Darlawn-ah a piang a, an unau hi mipa 4 leh hmeichhia 1 an ni. December 14, 2016-ah Lalparliani Khiangte nen inneiin fapa pahnih leh fanu pakhat an nei a ni.

Zirna leh Eizawnna lam:
 Pawl 10 hi Darlawn High School atangin a zir chhuak a, Govt Aizawl College-atangin PU a zir zo a, BA (Eco) a zawh hnuin MA (Eco) chu NEHU Mizoram Campus-ah zir zawmin kum 2001 khan tluang takin a zo a ni.

MA a zawhnu hian Private School hrang hrangah a thawk a. April 1, 2010 atangin Mizoram Synod hnuaiia Presbyterian Communication Deptt (PRESCOM)- a Synod Bookroom-ah Sales Promoter (Asst. Manager) hna zawmin; kum 2020 November 16 khan kaisângin Synod Press Manager atan dah a ni a.

PRESCOM Department en thatna avangin kum 2025 kum tir aṭangin SEC-in PRESCOM (Presscom & Bookroom) Co-ordinator tur a ruat fel hmaa Synod Press Manager ni chungin Co-ordinator Incharge atan January 8, 2025 khan a ruat a. SEC vawi 312-na, February 25-27, 2025 chuan Central KTP Co-ordinator (CKTP General Secretary) turin a ruat a, he

mawhphurhna hi March 10, 2025 aṭangin a thawk ta a ni.

Tual Upa/Upa: Kum 2013 May ni 4 khan Ramthar veng Kohhran Tual Upa atan thlan a ni a, kum 2016 khan Kohhran Upa atan thlan niin hemi kum hian Aizawl Central Presbytery Inkhwmpui vawi 11-na, Chhingga Vengthlang Kohhran Biak Ina neihah Ramthar veng Kohhran Upa atan nemngheh a ni a. Kohhran Upaa nem ngheh a nih tak avang leh an kohhrana Upa indaih lohna avangin kum 2017 aṭangin a kum over hmain KTP lam a chawlhsan ta a ni.

Kohhrana rawngbawlna: Kohhranah rawngbawlna pawimawh tak tak chelh tawhin zai hruaitu leh Keyboard tumtu, Kohhran Zaipawl Conductor a ni thin a. Branch KTP-ah Asst. Leader tih loh post a chelh kim tawh a, Bial KTP-ah Asst. Leader, Secretary, Treasurer te a ni tawh bawk. Bial Secretary (Sr) a ni tawh a, Presbytery leh Synod-ah chanvo pawimawh tak tak a chelh tawh bawk a ni.

NICHOLAS LALBIAKZUALA

HRUAI TUTE
Chanchin

COMMITTEE MEMBER
CENTRAL KTP



Pu Nicholas Lalbiakzuala hi Pu Biaknunga Kawlni leh Pi Thangzuali te fa pathum zinga a mi lai niin May 29, 1987 khan a lo piang a. Kum 2021 September 9 khan Lalhmangaihzuali nen inneiin, fa pahnih Phoebe Lalremruatfeli leh Adora Remruatkimi te an nei a, an chhungkuain Tuikual Presbyterian Kohhranah an lawi mek a ni.

Kum 2004 vel atangin KTP-ah a inh mang tan a, kum 2007-ah Group KTP Office Bearers ni tanin KTP-ah theih ang tawkin a inh mang chho a. Kum 2014-ah Branch Committee-ah lutin Kum 2020-ah Branch Office Bearers-ah thlan a ni a. Tunah hian Branch-ah Ex-Officio-in a awm mek a ni.

Bial KTP-ah hian 2020 atangin Committee member atan ruat tan a ni a, Tunah hian Ex-Officio-in a awm mek a ni. Kum 2024 KTP General Conference-ah khan CKTP Committee Member atan thlan a ni.

Kohhran Rawngbawlna lamah hian 2010 atangin Sunday School zirtirtuah ruat tan a ni a, department-ah zirtirtu leh Secretary hnate a chelh hnuah Kum 2019-2023 chhungin Sunday School-ah Asst.

Secretary leh Secretary hnate a chelh a, tunah hian Sacrament Department-ah Asst. Leader a ni mek a ni. Tin, Naupang Chawhnu Inkhawm leh Tleirawl chawhnu inkhawm lamah pawh hun rei tak chhung zirtirtu, Secretary leh Asst. Leader te a lo ni tawh bawk a ni. Kohhran hnuia Committee peng hrang hrangah te awmin tunah hian-Sound & Music Committee, Reception Committee leh Building Committee-ah te Committee member a ni mek bawk.

Rawngbawlna ngai pawimawh mi, mahni kova tla tawh chu tihhlawhtlin duh mi a ni a. Mi ze zawi tak leh thenrual kawm nuam ti tak a ni. Kite-a tiin an ko deuh ber, amah be pawp duh tan 7005425480-ah a biak theih reng a ni.



KA THLARAU ZAWKIN LE

Chutah ani chuan ka hnênah, “Hêng hi Jerubabela hnêna LALPA thu chu a ni a. ‘Chakna ni lovin, thiltihtheihna ni hek lovin, Ka thlarau zâwkin le,’ tiin Sipaihote LALPA chuan a ti e (ZAKARIA 4:6).

Zerubabela ten Pathian In sak thuah leh kulg siam tha harsatna an tawh lai hian Pathian a lo che ta a, chuta zawlnei Zakaria hnena thu lo thleng chu hei hi a ni: “Chakna ni lovin, thiltihtheihna ni hek lovin, ka thlarau zawkin le, tiin Sipaihote LALPA chuan a ti e” tih kan hmu a ni. An harsatna tawh kha chhung lam leh pawn lam atangin a ni a, tu nge hneh thei ang? An tan chin fel mai chi a nih loh avangin, Lalpa / Pathian chuan mihring chakna ni lovin, mihring thiltihtheina / finna ni lovin Ka Thlarau zawkin le a ti a ni.

KTP-te hian kan rawngbawlhaah hian kan chakna nge kan hman thiam Pathian chakna, kan finna leh thiamna nge kan hman thiam Pathian finna? Tunlai thalaite hi Lalpa chakna aiin mahni chakna leh finna hmang thiam kan ni mai ang em?

Thalaite kan buai tawh kan tih rual hian kan buai chhan hi eng nge? Nun kan thiam loh vang zawk a ni ang em? Thil tul ber ni loah kan inham buai fo zawk a ni lo maw? I Programme nge pawimawh KTP Programme? tih hi inzawt ila, a tak ram ai chuan a behbawmah kan buai em? Branch tin te pawhin Programme kan buatsaip pawhin phun nawi tawk kan awm zel. “Mi Branch chuan chutiang chuan an ti” tih hi kan sawi dan a ni. Keimahni hi mi Branch chu kan ni a, kan Programme hmaniahte hian hlim tawk ila, a nuam mai dawn a ni. Kan thuhrltu duh zawng pawh hi Pathian thutak sawi ai mahin, thutak bula thiam taka sawi thei leh sawi tlawr thiamte hi kan duhin, tunlai thalaite hian kan tuipui zawk ta em ni?

Pathian Thu chuan, eng rawngbawlta pawh ni ila, member satliah mai ka ni pawh ti ila, i chakna ni lovin, i thiltihtheihna ni lovin, ka thlarau zawkin le a ti a ni. Hei hi a taka kan chan theihna tur chuan KTP ten kan thupui ‘Rawngbawl tura chhandam’ tih a, chhandamna hi kan chan a ngai a ni.



KANTU RAHSI VENG BRANCH

Kristian Thalai Pawl, Rahsi Veng Branch hi Lunglei Venglai Pastor Biala awm niin July 28, 1996 (Dar 2:30pm) khan din a ni a, kum 2021 khan Silver Jubilee an lawm a ni. Member 79 (M 55 leh H 24) an awm mek a, Br. Comt. Member 15 awmin thla tin Zirtawpni zan vawi hnihnaah an Committee thin. Kumin hian Project 14 neiin, Budget atan ₹1,95,800/- an ruahman a. Kristian Thalai chanchinbu Copy 31 (Dist. Jail tan 5) an la mek a ni.

Group pahnih Luka leh Johana Group-ah inthenin Group Budget ₹12,000/- a ni a. Group inel nan Thawn̄tanni zan, Nilaini zan, Inrinni zan, Fellowship, Pathianni chawhnu inkhawmah te inchhiarna an nei thin. Sub-Committee paruk an din a, Branch hmingin chanchinbu ‘KTP AW’ thla tin Pathianni vawi hniahnaah an chhuah thin. Thla tin Pathianni hnuhnung ber tlaiah Evangelism Sub-Committee-te kaihhruainain Biak Inah chaw nghei tawngtai an nei thin bawk.

Thawhtanni zan inkhawm hi Branch Project ‘Thla tin tum hnih thupui neia Sermon’ te, Free Sermon, Kumpuan thupui zir, Sharing leh Hla thlan inkhawm ten an hmang thin a. Pathianni chawhma inkhawm banah Fellowship an nei thin a ni.

KTP Member Biak Inhawnga inneite, Board/University/Diploma leh a tlukpui Exam pass tharte leh Bible chhiar

chhuakte hnenah lawmpuina Citation/ Memento an hlan thin a, Member thi an awmin tawrhpuna thu ziak bakah ₹1000/- in hun remchang hmasa berah an râl thin a. Faith Promise, Inkawm thawhlawm, Blanket suk, Sachek zawrh, Group Budget, rawng hnawih, Baluleh Rora thiarinan inhlawh thin.

Special Programme KTP day, Branch Rising day, Sport, Goup Nite, Advance Krismas te hi an hmang thin a, kum tinin Krismas thilpek (pawisa) kohhran chhungkuah, Home, TNT leh Damdawiin lamahte a remchan dan a zirin an hlan thin.

CKTP atang zir tur lo kal leh bawhzui tur lo kalte a hun takah an tihlawhtling zel thei. ‘Zirna leh Rawngbawlna’ tih thupui hmanga Reels insiamsiakah theh lut hmasa ber Branch niin, lawmman erawh an la pha ta lo a ni. Tunah hian SMB hnuaih thawktu pathum an chawm ve mek a ni ●

Keimahni



- February 13-16, 2025 khan Mizoram Thalai Kristian Pawl (MTKP) Inkawmpui vawi 48-na Lunglawn, Lungleiah neih a ni a. kan inpalai tawn thin angin CKTPaiawhin Pu Lalruatfela, Asst. Leader leh Pu Nicholas Lalbiakzuala, Comt. Member te an palai.
- February 17, 2025 (Thawhṭanni) nileng khan Central KTP Committee Meeting Vawi 784-na neih a ni.
- February 20, 2025 (Ningani) khan Vaikhawtlang Branch KTP Golden Jubilee hmanpuiin Pu F. Lalremruata, Fin. Secretary leh Tv. Vanlalremiana, Comt. Member-te an kal.
- February 23, 2025 (Pathianni) zan khan Bethlehem Branch KTP Diamond Jubilee lawmna inkhawm hmanpuiin Central Committee Member-te an kal a, Mizoram Synod Choir an zai bawk. Rev. H. Lalawmpuia, CKTP Leader in thuchah a sawi a, Pu Rossi Lallawmawma'n lawmpuina memento a hlan.
- KTP Rorel Inkawm vawi 11-na February 28-March 2, 2025 khan Chawnpui Kohhranah neih a ni.
- February 28, 2025 (Zirtawpni) Chawhnu dar 1 khan YRC Convention Centre chu Synod Moderator Rev. RC Lalngahklian a hawng.
YRC hawnnaa chanvo neite:
 - (a) Usher: Bawngkawn Chhim Veng Br.
 - (b) Traffic & Security: Zemabawk North Br.
 - (c) Sanitation: Falkland Br.
 - (d) Banner & Decoration: Republic Br.
 - (e) Seat Arrangement: Thuampui Venglai Br.
 - (f) Thingpui: Chaltlang Br.
- YRC Hnatlang
 - (1) Ni 14.2.2025: Chite Veng Branch (Generator dah fel).
 - (2) Ni 20.2.2025: Sakawrtuichhun Bial (Hmunhma tihfai).
 - (3) Ni 21.2.2025: Bawngkawn Bial & Tlangnuam W Br (Hmunhma tihfai).
 - (4) Ni 22.2.2025: Leitan Bial (Hmunhma tihfai).
 - (5) Ni 25.2.2025: Thuampui Bial & Tuikual Br (Hmunhma tihfai leh thutthleng rem khawm).
 - (6) Ni 26.2.2025: Bawngkawn Br, Armed Veng E Br, Saron Br (Hmunhma tihfai).
 - (7) Ni 27.2.2025:
 - (a) Zemabawk Bial (Dining Hall leh Restaurant tihfai).
 - (b) Thuampui Venglai Br (Seat Arrangement buaipui).
 - (c) Dawrpui Br & Zarkawt Br (Dormitory khum chhawng rem fel).

CENTRAL KTP COMMITTEE : 2024 – 2026

OFFICE BEARERS

Leader	:	Rev. H. Lalawmpua	:	8974981243
Asst. Leader	:	Pu Lalruatfela	:	9774611124
Gen. Secretary	:	Upa Lalzarmawia	:	9436370178
Asst. Secretary	:	Pu C. Lalkhawngaiha	:	9774638471
Treasurer	:	T. Upa Rinsailova Sailo	:	9862327187
Fin. Secretary	:	Pu F. Lalremruata	:	9436362544

COMMITTEE MEMBERS

1. Tv. P.C. Lalthanmawia	:	8014697370
2. Pu C. Hmingthanzaauva	:	9436198787
3. Upa T.C. Lalremsiama	:	9612777977
4. Pu Rossi Lallawmawma	:	9862145940
5. NI. F. Lallianzuali	:	9774764394
6. T. Upa Laltlanthanga	:	9362216851
7. Pu Lalrambuatsaiha	:	9862325409
8. Pu K. Vanlalremruata	:	9774636228
9. Pu H. Zosangliana	:	9862717107
10. Pu T.C. Lalhrualitluanga	:	8014160867
11. Tv. David Lalfakawma	:	9089529183
12. Tv. Lalrinsanga Varte	:	7005671202
13. Upa C. Malsawmtluanga	:	9862366810
14. Pu David Lalruatfela	:	9862417766
15. Pu Nicholas Lalbiakzuala	:	7005426480
16. Pu Lalruatpuia	:	9612307730
17. Pu Lalduhawma Chhangte	:	8974318732
18. Pu Rochhingpuia	:	8794210155
19. T. Upa Lalremsiama Khiangte	:	9862311678
20. Tv. Vanlalremliana	:	8257881767
21. Upa Lalbiakfela	:	8414962935
22. NI. Agnes Lalrinzuali (Asst. Coordinator)	:	8787480280

EX-OFFICIO MEMBERS

Rev. R.C. Lalnghakliana	:	Synod Moderator
Upa Vanlalsawma Siakeng	:	Synod Secretary (Sr.)
Rev. Dr. Rosiamliana Tochhawng	:	Executive Secretary i/c, KTP

KUM 2024 KTP DINHMUN TLANGPUI

Bial awm zat	:	223 (Ram chhung 206 ; Ram pawn 17)
Branch awm zat	:	907 (Ram chhung 853 ; Ram pawn 54)
Member zat	:	177548 (M-107535 ; H-70013)
Member tamna bial	:	Champhai Vengthlang Bial (2599)
Member tlemlna bial	:	Buarpui (member 33)
Member tamna branch	:	Mission Veng (member 1483)
Member tlemlna bial	:	Peren, member 3 (mipa 0 ; hmeichhia 3)
Member thi	:	615 (Mipa 541 ; Hmeichhia 74)
Innei zat	:	3389 (Biak In-1577 ; Hmun dang-1812)
KTP inkhawm dinhmun	:	22.56% (Avg. 40063.11)
Inkhawm tha ber bial	:	Pune (45.90% ; member 71)
Kristian Thalai lak zat belh khawm	:	49655
Kristian Thalai la tam bial	:	Venghlui Bial (1518)



KANTU : RAHSI VENG BRANCH



CKTP COMMITTEE & CHAWNPUI KOHHRAN COMMITTEE



LIKBP KTP INKHAWMPUI 6-9.2.2025



MTKP INKHAWMPUI 13-16.3.2025



ECM KTP INKHAWMPUI Jan 30-Feb 2, 2025



KOHHRAN HMEICHHE INKHAWMPUI LIAN 7-9.3.2025



BAIRABI BIAL KTP CONFERENCE 7-9.2.2025



VAIKHAWTLANG BR. KTP GOLDEN JUBILEE 20.2.2025

KRISTIAN THALAI MAN PEKNA
Account hming : KTP
Account No. : 30045422892
Bank : SBI, Mission Veng Branch
IFSC Code : SBIN0007058

Account-a chanchibu man thawntuten
Branch hming leh copy lak zat ziah tel zel tur a ni.

Postal Regn. no. MZR/ 116/ 2024-2026

YRC, CONVENTION CENTRE HAWN (28.02.2025)



CKTP COMMITTEE & HRUAITU HLUITE



BETHLEHEM BRANCH KTP DIAMOND JUBILEE (23.02.2025)

Printed and Published by Upa Lalzarmawia, Synod Office, Mission Veng on behalf of Christian Youth Fellowship
Edited by PC Lalthanmawia and printed at Synod Press, Mission Veng, Aizawl, Mizoram. Copies - 43,600